



# Ajunngitsorsianut politikki

Siulersuisut 2021-mi septembarip 23-ani ataatsimiinnerini akuersissutigineqartoq



## 1. Tunuliaqutaq siunertarlu

KNI A/S-ip periusissiaanut pingaartitaannullu ajunngitsorsianut politikki tunngavissiissaaq, KNI A/S-imilu qullersaqarfimmi atorfillit siulersuisullu Inuussutissarsionermut Ingerlatseqatigiiffinnullu Aqut-sisoqarfimmi nalunaarsugaasut akissarsiassaasa atorfinitsitaanermilu atugassarititigut tunngavissaat aalajangersassallugit siunertaralugu.

Ingerlatseqatigiiffinni pisortanit pigineqartuni ajunngitsorsianut politikki pillugu piginnittup pingaarnertut najoqqutassai KNI A/S-ip naapertorpai, qullersaqarfimmilu atorfilinnut siulersuisunullu akissarsiat pillugit, KNI A/S pisortanit pigineqartutut ammasuunissaminik immikkut pisussaaffeqarluni.

Siulersuisut qullersaqarfimmilu atorfillit sulisoriinnarumallugit, piukkunnaateqartut atorfininnissaminnut kajungilersikkumallugit, unammillersinnaasunik akissarsiaqartitsinissaminik KNI kissaateqarpoq. Pisortat suliffeqarfiutaanni namminersortumi pissutsit atuuttut matumani eqqarsaatigineqasapput.

## 2. Aaqqissussaaneq, akisussaaffik akuersissuteqartarnerlu

KNI A/S-ip qullersaqarfiani atorfilinnut siulersuisunullu akissarsiatigut, atorfinitsitaanermilu atugassarititigut sinaakkutissat ajunngitsorsianut politikkip aalajangersarpai.

Ajunngitsorsianut politikkip suliarinissaanut, iluarsissuteqarfiginissaanullu siulersuisut ikiussallugit Ajunngitsorsianut ataatsimiititaliap suliaassaraa. Ajunngitsorsianut ataatsimiititaliap ajunngitsorsianut politikki ukiumut minnerpaamik ataasiarluni misissortassavaa.

Ajunngitsorsianut politikki iluarsiiffigineqarnissaa Ajunngitsorsianut ataatsimiititaliap pisariaqartutut isigissappagu, siulersuisunit suliaasangorlugu akuersissutigineqartussangorlugulu ajunngitsorsianut ataatsimiititaliaq innersuussusiussaaq. Siulersuisut innersuussut akuersissutigippassuk, ajunngitsorsianut politikki iluarsisaq, siulersuisut juunimi ataatsimiinnerini suliarineqartussangorlugu, akuersissutigineqartussangorlugulu saqqummiunneqassaaq.

## 3. Politikkip allaatigineqarnera

### 3.1. Siulersuisunut akissarsiaqartitsisarnermi tunngaviit

Piginnittup pingaarnertut ajunngitsorsianut politikianut naapertuuttumik, siulersuisut akissarsiaqartinneqasapput. Akissarsiassat annertussusissaat ataatsimeersuarnermi akuersissutigineqasapput, ukiumullu nalunaarusiatigut paasissutissiissutigineqarlutik. Akissarsiat qaammatit pingasukkaarlugit kingumut tunniunneqartassapput. Siulersuisunut ilaasortat siulersuisunut attuumassuteqartumik angalanerinit, ineqarnerinit attaveqarnerinullu aningaasartuutai ingerlatseqatigiiffiup matussusertassavai.



### 3.2. Ataatsimiititaliamut akissarsiaqartitsisarnermi tunngaviit

Siulersuisut suliassaannik piareersaataasumik suliaqartussamik, siulersuisut ataatsimiititaliamik pilersitsisinnaapput. Siulersuisut pilersitaannut ataatsimiititaliami ilaasortaagaanni, akissarsiassatut siulersuisut aalajangersagaasa ilaat naapertorlugu siulersuisunut ilaasortat akissarsitinneqartassapput.

Siulersuisuni siulittaasup siulersuisunut ilaasortat ataasiakkaat suliamik pingaarutilimmik immikkut ittumik suliaqarsimappata ataasiartumik ajunngitsorsiassaqartinneqassasut siulersuisunut innersuusutigisinnaavaa.

### 3.3. Qullersaqarfimmi atorfilinnut akissarsiaqartitsisarnermi tunngaviit

Qullersaqarfimmi atorfillit aalajangersimasumik akissarsitinneqartarput, pensionisiassanullu tapiiffiqineqartarlutik.

Qullersaqarfimmi atorfilinnut ajunngitsorsiassat qaffasissusaat katitigaanerilu eqqarsaatigalugit, atorfinnut allanut annertuumik akisussaaffeqarfiusunut nallersuunneqarsinnaasunut sanilliullugit soqutiginaateqassapput. Ingerlatseqatigiiffiup pisortanit pigineqarnera eqqarsaatigalugu ajunngitsorsiassat aalajangersarneqassapput. KNI Namminersorlutik Oqartussanit pigineqartutut, akissarsiatigut siuttuusaanngilaq.

Ajunngitsorsiat ersarissumik, ajornaatsumillu katitigaassapput, ingerlatseqatigiiffiullu soqutigisaanut naapertuunnissaat qulakkeerneqassalluni. Pisortaneq immikkut angusat aallaavigalugit ajunngitsorsiassaqartinneqassanngilaq.

Qullersaqarfimmi atorfillit aalajangersimasumik akissarsiaat, takuuk isumaqatigiissut, ukiumut naatsorsuutit naammassinerisa kingorna ukiut tamaasa naliliiffiqineqartassapput.

### 3.4. Allatigut kajujuummissutsit

Akissarsiat pillugit ukiumoortumik oqaloqatiginninnermut atatillugu, pisortaanerup naliliineratigut KNI-mi atorfillit, matumani pisortat ilanngullugit, suliaannut/tunniussaannut naapertuuttumik bonusisiaqartinneqarsinnaapput, annerpaamik qaammammut akissarsiassanut naapertuuttumik. Bonusi ataasiartumik ajunngitsorsiatut tunniunneqartassaaq.

Pisortanut ataasiakkaanut bonusisitsinerit, qaammammullu akissarsiaqartitsisarnermi aningaasarnianit anneruppat, pisortaneq immikkut illuinnartumik Ajunngitsorsianut ataatsimiititaliamut innersuusuteqarsinnaavoq.

Ajunngitsorsianut ataatsimiititaliaq qaammatit pingasukkaarlugit pisortatut atorfilinnut bonusisitsinerit pillugit ilisimatinneqartassaaq – sunalu pissutaanersoq ilisimatinneqartassalluni - ilanngullugu ingerlateqatigiiffimmi nalinginnaasumik aningaasarsianut siunnersuut.



***Immikkut ittunik isumaqatigiissutinik akuersissuteqarneq:***

Nalinginnaasumik isumaqatigiissutinit atuuttunit isumaqatigiissutit annertuumik nikingasut Ajunngitsorsianut ataatsimiititaliamit suliarineqarsimasumit ataatsimiititaliap akuersissutigisassavai, assersuutigalugu qullersaqarfimmi pisortanut appasinnerpaamik akissarsiassanit qaffasinnerusinnaasut akuersissutigisassallugit.

### **3.5. Tunuarneq**

Qaammatit aqqaneq-marluk tikillugit siumut nalunaaruteqarnermigut, KNI A/S qullersaqarfimmi atorfilinnik soraarsitsisinnaavoq. Qullersaqarfimmi atorfillit qaammaatinik pingasunik siumut nalunaaruteqarnermikkut, atorfimminnit tunuarniuteqarsinnaapput. KNI tunuarnermi ajunngitsorsiaqartitsineq ajorpoq.